


# Háteigur



19. árgangur 6. tbl.

VIRÐING – SAMVINNA – VELLÍÐAN

24. ágúst 2015

## HAUSTBRÉF

<http://hateigsskoli.is>

### Frá skólastjóra

Ágætu lesendur

Nú við upphaf skólstarfs er vert að geta þeirra breytinga sem orðið hafa síðan í vor. Samkvæmt síðustu tölum mæta 443 nemendur í skólann mánudaginn 24. ágúst. 1. bekkur er óvenju fjölmennur í ár eða um 50. Þrír aðrir árgangar eru með um og yfir 50 nemendur. Þetta er í samræmi við spár um fjölgun nemenda í Háteigsskóla. Eins og allir vita standa yfir byggingaframkvæmdir í skólahverfi Háteigsskóla. Við væntum þess að þegar fólk hefur flutt inn í þau hús sem verið er að byggja muni fjölga verulega í skólanum. Nemendaspár sem aðeins eru byggðar á því hverjir búa þegar í hverfinu segja einnig til um talsverða fjölgun. Eins og margir vita þá er Háteigsskóla með hvað fæsta fermetra fyrir hvern nemanda eða um 10 en meðal-fjöldi fermetra á nemanda í Reykjavík er 13. Skólinn ætti því að vera um 1300 fermetrum stærri fyrir þann hóp sem sækir skólann. Nú þegar er farið að hyggja að viðbyggingu við skólann og er það mikið gleðiefni. Við gerum okkur vonir um að geta mótað forsendur fyrir viðbygginguna fyrir áramót þannig að hægt verði að hefja hönnun árið 2016. Farið allt að vonum er hugsanlegt að framkvæmdir gætu hafist árið 2017. Í haust bættist hús við húsakost Halastjörnunna og þar eru nú fjögur hús í þyrpingu. Húsið er alveg nýtt og kom það hingað tilbúið undir tréverk. Þetta er fagnaðarefni því að nú getur Halastjarnan sinnt fleiri nemendum á sínu svæði en mun áfram nýta húsnæði skólans. Við getum því öll horft björtum augum til næstu ára, því að biðin er ekki löng, þó að við þurfum að sitja þröngt enn um sinn. Nokkrar lagfæringar voru gerðar á húsnæði skólans og lóðinni í sumar. Þá komu um 50 tölur í hús til að skipta út þeim sem voru orðnar of gamlar.

Við höfum nú gert samkomulag við fyrirtækið Skólatur ehf. um að sinna matarþjónustu skólans og teljum við það vera framfaraskref - sem við vonum að gangi eftir. Þá er sú nýjung að nemendur hafa aðgang að salatbar afar spennandi. Það er mikilvægt að allir átti sig á því að maturinn er undirbúinn hjá fyrirtækinu en er hitaður og

eldaður hér í skólanum af starfsmanni sem starfar hér frá kl. 9 til 14 alla daga.

Það eru nokkrar breytingar á starfsliði frá því í fyrra. Helena Pálsdóttir kennari kemur nú aftur til starfa eftir árs leyfi og tekur hún við 1. bekk. Guðrún Helga Sigfúsdóttir kennari verður í launalausis leyfi í vetur og hefur Guðrún Matthíasdóttir kennari verið ráðin í hennar stað og heldur hún áfram með 5. GM. Elín Vigdís Ólafsdóttir kennari óskaði eftir launalausis leyfi í vetur og í hennar stað réðum við Lísu Mariu Kristjánsdóttur kennara og tekur hún við 6. LMK. Bergþóra Þorsteinsdóttir umsjónarmaður sérkennslu fer nú á eftirlaun og við hennar starfi tekur Theodóra Skúladóttir sérkennari. Við bjóðum nýja starfsmenn sérstaklega velkomna til starfa.

Við komum að skólanum hreinum og bónuðum í haust. Skólaliðar tóku allan skólann í gegn og tók hann því vel á móti okkur. Við fögnum haustinu og börnunum sem koma með haustið í skólatöskunum sínum eins og skáldið sagði. Hér ríkir tilhlökkun og eftirvænting eins og hjá börnunum sem brátt koma í hús.

Verið öll sérstaklega velkomin til samstarfs um börnin.

Ásgeir Beinteinsson  
skólastjóri Háteigsskóla

### Foreldraviðtöl, starfsdagar og vetrarfrí

Eins og kom fram á skóladagatali sem var sent heim í vor og er á heimasíðunni, verða foreldraviðtöl 13. október og 2. febrúar. Starfsdagar verða 7. október, 4. og 22. janúar, 10. febrúar og 1. júní. Haustfrí verður 23., 26. og 27. október og vetrarleyfi 25. og 26. febrúar.

### Háteigur

Háteigur er mánaðarlegt fréttablað skólans og mun að mestu vera gefinn út á netinu. Þeir sem vilja fá hann á pappír frá skólanum er velkomið að óska eftir því. Þá verður hann sendur í töskupósti heim með nemendum.

### Foreldrar!

Vinsamlegast merkið fót og alla aðra hluti sem börnin koma með í skólann. Hægt er að kaupa þvottetka fatalímmiða með nafni og númeri, til dæmis, eða nota fatatúss og skrifa á heftiplástur eða þvottamiða.

## Skólasund veturinn 2015 – 2016

Skólasund verður á föstudögum í Sundhöll Reykjavíkur (fyrir og eftir hádegi) og í sundlaug Austurbæjarskóla (fyrir hádegi). Einnig verður sund fyrir 5., 6. og 7. bekk á fimmtudagsmorgnum í Sundhöllinni.

Nemendur í 4. bekk eru í sundi allan veturinn og er tími þeirra á stundaskrá. Aðrir nemendur (1.-3. bekkur) eru ýmist í sundi á haust- eða vorönn. Nemendum er ekið milli laugar og skóla. Á föstudagsmorgnum verða nemendur í 4. bekk að vera mættir aðeins fyrr en venjulega því rútan fer frá skólanum kl. 8:15. Nemendur í 1., 2. og 3. bekk fara úr kennslustundum frá umsjónarkennurum. Starfsmaður skólans fylgir nemendum 1.-4. bekkjar í rútnni milli laugar og skóla.

### Föstudagur:

Kl.	Haustönn	Vorönn
8:30 – 9:10	4. HHP	4. GBJ
9:10 – 9:50	1. HP	1. KR
10:10 – 10:50	2. IRB	2. JOS
10:50 – 11:30	4. GBJ	4. HHP
11:40 – 12:20	Aukatími	
13:00 – 13:40	3. GHJ	3. SÓ

Að gefnu tilefni til foreldra nemenda í 1. – 4. bekk:

Við viljum biðja ykkur um að láta vita á skrifstofu skólans ef börnin fara beint á sundstað og taka því ekki sund-rútuna. Þetta á aðeins við um nemendur sem eru í sundi í fyrstu kennslustund á föstudagsmorgnum.

Einnig þarf að hafa í huga að ef þið þurfið, einhverja hluta vegna, að sækja börnin á sundstað þá er nauðsynlegt að láta þann starfsmann sem fylgir börnunum milli sundstaðar og skóla vita af því.

Nemendur í 5. - 7. bekk eru í sundi í Sundhöllinni á fimmtudagsmorgnum. Stúlkur í 7. bekk eru í sundi á haustmisse-ri og mæta beint upp í Sundhöll kl. 8:25. Eftir áramót mæta drengir í 7. bekk beint þangað. Nemendur í 6. LMK eru í sundi á haustmisse-ri en í 6. DM á vormisseri. Nemendur í 5. GH eru í sundi á haustmisse-ri og 6. GM á vormisseri. Nemendum 5.-7. bekkjar er ekið milli laugar og skóla nema 7. bekkjum sem eru í sundi kl. 8:30; þeir mæta sjálfir upp í Sundhöll á fimmtudagsmorgnum.

### Fimmtudagur:

Kl.	Haustönn	Vorönn
8:30 – 9:10	7. b. stúlkur	7. b. drengir
9:10 – 9:50	6. LMK	6. DM
10:10 – 10:50	5. GH	5. GM

Nemendur í 8. bekk eru í sundi allt skólaárið, þ.e. ASE bekkur á haustönn og HB á vorönn. Nemendur í 9. bekk eru í sundi í Sundhöllinni á haustmisse-ri og eru tímar þeirra skráðir á stundatöflu. 10. bekkur er síðan á vormisseri.

### Föstudagur:

Kl.	Haustönn	Vorönn
13:40 – 14:20	8. ASE	8. HB
14:30 – 15:10	9. b. stúlkur*	10. b. stúlkur**
15:10 – 15:50	9. b. drengir*	10. b. drengir**

\* Skipti verða á hópunum á miðju tímabili, þ.e. 30. október fara stúlkur í seinni tímunn og drengir í þann fyrri. Fyrri tímabil: 28.8. – 16.10. Seinna tímabil: 30.10. – 8. 1.

\*\* Skipti verða á hópunum á miðju tímabili, þ.e. 1. apríl fara stúlkur í seinni tímunn og drengir í þann fyrri. Fyrri tímabil: 15.1. – 18.3. Seinna tímabil: 1.4. – 27.5.

Fyrstu tímar á haustmisse-ri eru 27. og 28. ágúst og fyrstu tímar vormisseris eru 14. og 15. janúar.

## Leiðréttingar í Mentor og ástundun

Forráðamenn eru vinsamlegast beðnir um að fara yfir persónulegar upplýsingar sínar í Mentor og leiðrétta ef þörf er á. Nauðsynlegt er að öll símanúmer og netföng séu rétt vegna upplýsingaskyldu skólans og eins ef slys eða skyndileg veikindi ber að höndum.

Allir kennarar skrá hegðun og mætingar nemenda í skólanum. Ástundun nemenda 5. - 10. bekkjar verður send heim á u.þ.b. mánaðarfresti. Allir forráðamenn hafa netaðgang að upp-lýsingum um ástundun barna sinna í Mentor ásamt fleiri upplýsingum sem kennari kys að setja á netið. Slóðin er <http://www.mentor.is>. Á unglingastigi er skólasóknareinkunn tengd ástundun og birtist hún á prófskrírteinum.

## Minnisatriði í upphafi skóla

Hvers konar notkun farsíma er bönnuð í kennslustofum. Það á að vera slökkt á símunum og þeir eiga að vera í töskum eða vösum. Verði misbrestur á er síminn tekinn af nemanda og hann aðeins afhentur forráðamanni. Farsímar, spilarar og önnur verðmæti eru best geymd heima.

Gott er að fá sér inniskó þar sem nemendur fara úr útiskóm við útidyr.

Nemendum 7. – 10. bekkjar gefst kostur á að fá lánaðan læstan skáp gegn 1500 kr. tryggingargjaldi sem fæst endur-greitt þegar lykli er skilað fyrir skólaslit að vori.

Hjólreiðar eru ekki leyfðar á skólalóðinni á skólatíma. Sama gildir um hjólaskauta, hjólaskó, hlaupahjól og hjólabretti.

Notkun og geymsla vélknúinna farartækja er óheimil á skólalóðinni.

## Matar- og mjólkuráskrift

Vakin er athygli forráðamanna á að nemendur geta verið í mjólkuráskrift. Farið er inn á heimasíðu Reykjavíkurborgar og gengið frá umsókn í Rafrænni Reykjavík. Þegar viðkom-andi er einu sinni kominn í áskrift gildir hún þangað til að henni er sagt upp en uppsagnarfresturinn er hálfur mánuður. Þetta þýðir að þeir sem voru í áskrift á síðasta skólaári og vilja halda henni áfram þurfa ekki að endurnýja umsókn. Fyrsti afhendingardagur mjólkur er 25. ágúst. Mjólkinn (létt-mjólk) kostar kr. 700 á mánuði.

Sérstakt bréf verður sent varðandi breytta mataráskrift.

## Foreldravefur

Við viljum vekja athygli á foreldravef skóla- og frístundasviðs Reykjavíkurborgar. Vefurinn er ætlaður foreldrum barna á aldrinum 0-16 ára og er markmiðið með honum að styðja og efla foreldra í því hlutverki að vera virkir þátttakendur í starfi og námi barnanna. Slóðin á vefinn er: [www.reykjavik.is/foreldrar](http://www.reykjavik.is/foreldrar).

Spakmæli mánaðarins:  
Enginn getur breytt sér; allir geta bætt sig.